

ॐ नमः परमात्मने, श्री महागणपतये नमः, श्री गुरुभ्यो नमः ।
हरिः ॐ ॥

1.2 प्रथमकाण्डे द्वितीयः प्रश्नः - (अग्निष्टोम)

Contents

1.2 प्रथमकाण्डे द्वितीयः प्रश्नः - (अग्निष्टोमे ऋयः) 1

ॐ नमः परमात्मने, श्री महागणपतये नमः, श्री गुरुभ्यो नमः । हरिः ॐ ॥

1.2 प्रथमकाण्डे द्वितीयः प्रश्नः - (अग्निष्टोमे ऋयः)

1.2 प्रथमकाण्डे द्वितीयः प्रश्नः - (अग्निष्टोमे ऋयः)

TS 1.2.1.1

आपः । उ॒न्दन्तु । जी॒वसे॑ । दी॒र्घायु॑त्वायेति॑ दी॒र्घायु॑ - त्वाय॑ । वर्च॑से । ओष॑धे । त्राय॑स्व ।
ए॒नम् । स्व॒धितु॑ इति॑ स्व॒धिते॑ । मा । ए॒नम् । हि॒सीः । दे॒वश्रू॑रिति॑ दे॒व - श्रूः । ए॒तानि॑ ।
प्रेति॑ । व॒पे । स्व॒स्ति । उत्त॑रा॒णीत्यु॑त् - त॒राणि॑ । अ॒शीय॑ । आपः । अ॒स्मान् । मा॒तरः ।
शु॒न्धन्तु॑ । घृ॒तेन॑ । नः । घृ॒तपु॑व इति॑ घृ॒त-पु॑वः । पु॒नन्तु॑ । वि॒श्वम् । अ॒स्मत् । प्रेति॑ । व॒हन्तु॑
। रि॒प्रम् । उ॒दिति॑ । आ॒भ्यः । शु॒चिः । ए॒ति । पू॒तः । ए॒मि । सोम॑स्य । त॒नूः । अ॒सि ।
त॒नुव॑म् । मे । पा॒हि । म॒हीना॑म् । प॒यः । अ॒सि । व॒र्चो॑धा इति॑ वर्चः - धाः । अ॒सि । वर्चः॑ । 1

TS 1.2.1.2

म॒यि । धे॒हि । वृ॒त्रस्य॑ । क॒नीनि॑का । अ॒सि । च॒क्षुष्पा॑ इति॑ चक्षुः - पाः । अ॒सि । चक्षुः॑
। मे । पा॒हि । चि॒त्पति॑रिति॑ चि॒त् - पतिः॑ । त्वा । पु॒नातु॑ । वा॒क्पति॑रिति॑ वाक् - पतिः॑
। त्वा । पु॒नातु॑ । दे॒वः । त्वा । स॒विता॑ । पु॒नातु॑ । अ॒च्छि॑द्रेण । प॒वित्रे॑ण । व॒सोः॑ ।
सूर्य॑स्य । र॒श्मिभि॑रिति॑ र॒श्मि - भिः॑ । तस्य॑ । ते । प॒वित्र॑प॒त इति॑ पवित्र - प॒ते । प॒वित्रे॑ण
। यस्मै॑ । कम् । पु॒ने । तत् । श॒के॒यम् । ए॒ति । वः । दे॒वासः॑ । ई॒महे॑ । स॒त्य॑ध॒र्माण॑

इति सत्यं - धर्मा॑णः । अ॒द्धरे । यत् । वः । दे॒वा॒सः । आ॒गुर॒ इत्या॑ - गु॒रे । य॒ज्ञि॒यासः ।
हवा॑महे । इन्द्रा॑ग्नी इतीन्द्रं - अ॒ग्नी । द्यावा॑ पृथि॒वी इति॑ द्यावा॑ - पृथि॒वी । आपः॑ । ओष॒धीः ()
। त्वम् । दी॒क्षाणा॑म् । अधि॑पतिरित्यधि॑ - प॒तिः । अ॒सि । इ॒ह । मा॒ । सन्त॑म् । पा॒हि ॥ 2

(वर्च॑ - ओषधी- रष्टौ च) (A1)

TS 1.2.2.1

आकू॑त्या॒ इत्या॑ - कू॒त्यै । प्र॒युज॒ इति॑ प्र - यु॒जै । अ॒ग्न्यै । स्वाहा॑ । मे॒धायै॑ । मन॑से । अ॒ग्न्यै
। स्वाहा॑ । दी॒क्षायै॑ । तप॑से । अ॒ग्न्यै । स्वाहा॑ । सर॑स्वत्यै । पू॒ष्णे । अ॒ग्न्यै । स्वाहा॑ ।
आपः॑ । दे॒वीः । बृ॒हतीः । विश्व॑शंभु॒व इति॑ विश्व - शंभु॒वः । द्यावा॑पृथि॒वी इति॑ द्यावा॑ - पृथि॒वी
। उ॒रु । अ॒न्तरि॑क्षम् । बृ॒हस्प॑तिः । नः । ह॒विषा॑ । वृ॒धातु॑ । स्वाहा॑ । विश्वे॑ । दे॒वस्य॑ ।
ने॒तुः । म॒तः । वृ॒णीत॑ । स॒ख्यम् । विश्वे॑ । रा॒यः । इ॒षुद्ध॑सि । द्यु॒म्नम् । वृ॒णीत॑ । पु॒ष्यसै॑
। स्वाहा॑ । ऋ॒ग्वसाम॑यो॒रित्यृक् -साम॑योः । शिल्पे॑ इति॑ । स्थः । ते इति॑ । वा॒म् । एति॑ ।
र॒भे । ते इति॑ । मा॒ । 3

TS 1.2.2.2

पा॒तम् । एति॑ । अ॒स्य । य॒ज्ञस्य॑ । उ॒दच॑ इत्यु॒त् - ऋचः॑ । इ॒माम् । धि॒यम् । शि॒क्षमा॑णस्य
। दे॒व । ऋ॒तुम् । दक्ष॑म् । व॒रुण॑ । स॒मिति॑ । शि॒शाधि॑ । यया॑ । अती॑ति । विश्वा॑
। दुरि॑तेति॑ दुः - इ॒ता । तरे॑म । सु॒तर्मा॑णमिति॑ सु -तर्मा॑णम् । अधी॑ति । ना॒वम् । रु॒हेम्
। ऊ॒र्क । अ॒सि । आ॒ङ्गिर॑सी । ऊ॒र्णम॑दा इत्यूर्ण॑ - म॒दाः । ऊ॒र्जम् । मे॒ । य॒च्छ ।
पा॒हि । मा॒ । मा॒ । मा॒ । हि॒सीः । वि॒ष्णोः । शर्म॑ । अ॒सि । शर्म॑ । यज॑मानस्य ।
शर्म॑ । मे॒ । य॒च्छ । नक्ष॑त्राणाम् । मा॒ । अ॒तीका॑शात् । पा॒हि । इन्द्र॑स्य । योनिः॑ । अ॒सि । 4

TS 1.2.2.3

मा । मा । हि॒सीः । कृ॒ष्यै । त्वा । सु॒स॒स्याया॒ इति॑ सु - स॒स्यायै॑ । सु॒पि॒प्प॒लाभ्य॑ इति॑
 सु - पि॒प्प॒लाभ्यः॑ । त्वा । ओष॑धीभ्य॒ इत्योष॑धि - भ्यः । सू॒प॒स्था इति॑ सु - उ॒प॒स्थाः । दे॒वः
 । वन॑स्पतिः । ऊ॒र्द्धः । मा । पा॒हि । एति॑ । उ॒द॒च॒ इत्यु॑त् - ऋचः॑ । स्वाहा॑ । य॒ज्ञम् ।
 मन॑सा । स्वाहा॑ । द्यावा॑पृथि॒वीभ्या॑मिति॑ द्यावा॑ - पृथि॒वीभ्या॑म् । स्वाहा॑ । उ॒रोः । अ॒न्तरि॑क्षात्
 । स्वाहा॑ । य॒ज्ञम् । वाता॑त् । एति॑ । र॒भे ॥ 5

(मा - योनि॑रसि - त्रि॒श॒च्च) (A2)

TS 1.2.3.1

दैवी॑म् । धिय॑म् । म॒नाम॑हे । सु॒मृ॒डीका॑मिति॑ सु - मृ॒डीका॑म् । अ॒भिष्ट॑ये । व॒र्चो॑धामिति॑ व॒र्चः
 - धाम् । य॒ज्ञवा॑हस॒मिति॑ य॒ज्ञ - वा॒हस॑म् । सु॒पा॒रेति॑ सु - पा॒रा । नः । अ॒स॒त् । व॒शे ॥
 ये । दे॒वाः । मनो॑जाता॒ इति॑ मनः - जा॒ताः । मनो॑यु॒ज इति॑ मनः - यु॒जः । सु॒दक्षा॑ इति॑
 सु - दक्षाः॑ । दक्ष॑पिता॒र इति॑ दक्ष॑- पि॒ता॒रः । ते । नः । पा॒न्तु । ते । नः । अ॒व॒न्तु ।
 तेभ्यः॑ । नमः॑ । तेभ्यः॑ । स्वाहा॑ । अ॒ग्ने । त्वम् । स्वि॒ति । जा॒गृ॒हि । व॒यम् । स्वि॒ति
 । म॒न्दि॒षीम॑हि । गो॒पा॒य । नः । स्व॒स्त्यै । प्र॒बुध॑ इति॑ प्र - बु॒धे । नः । पुनः॑ । द॒दुः
 ॥ त्वम् । अ॒ग्ने । व्र॒त॒पा इति॑ व्रत - पाः । अ॒सि । दे॒वः । एति॑ । म॒र्त्येषु॑ । आ ॥ त्वम् । 6

TS 1.2.3.2

य॒ज्ञेषु॑ । ई॒ड्यः॑ ॥ वि॒श्वे । दे॒वाः । अ॒भीति॑ । माम् । एति॑ । अ॒व॒वृ॒त्र॒न् । पू॒षा । स॒न्या
 । सोमः॑ । राध॑सा । दे॒वः । स॒वि॒ता । व॒सोः॑ । व॒सु॒दा॒वेति॑ व॒सु - दा॒वा । रास्व॑ । इ॒य॒त्
 । सो॒म । एति॑ । भूयः॑ । भ॒र । मा । पृ॒ण॒न् । पू॒र्या । वी॒ति । रा॒धि । मा । अ॒हम्
 । आ॒यु॒षा । च॒न्द्रम् । अ॒सि । म॒म । भो॒गाय॑ । भ॒व । व॒स्त्रम् । अ॒सि । म॒म । भो॒गाय॑
 । भ॒व । उ॒स्त्रा । अ॒सि । म॒म । भो॒गाय॑ । भ॒व । ह॒यः । अ॒सि । म॒म । भो॒गाय॑ । भ॒व । 7

TS 1.2.3.3

छागः । अ॒सि॒ । म॒म॒ । भो॒गाय॑ । भ॒व॒ । मे॒षः । अ॒सि॒ । म॒म॒ । भो॒गाय॑ । भ॒व॒ । वा॒यवे॑
 । त्वा॒ । वरु॑णाय । त्वा॒ । नि॒र॒ऋ॒त्या इति॑ निः - ऋ॒त्यै । त्वा॒ । रु॒द्राय॑ । त्वा॒ । दे॒वीः
 । आ॒पः । अ॒पाम् । न॒पात् । यः । ऊ॒र्मिः । ह॒विष्यः॑ । इन्द्रि॒यावा॑नितीन्द्रि॒य - वा॑न् ।
 म॒दि॒न्त॒मः । त॒म् । वः । मा । अ॒वेति॑ । ऋ॒मि॒षम् । अ॒च्छि॒न्नम् । त॒न्तु॑म् । पृ॒थि॒व्याः ।
 अ॒न्वि॒ति॑ । गे॒षम् । भ॒द्रात् । अ॒भी॒ति॑ । श्रे॒यः । प्रे॒ति॑ । इ॒हि । बृ॒ह॒स्पति॑ः । पु॒र ए॒तेति॑ पु॒रः -
 ए॒ता । ते । अ॒स्तु । अथ॑ । ई॒म् । अ॒वेति॑ । स्य॒ () । वरै॑ । ए॒ति॑ । पृ॒थि॒व्याः । आ॒रे ।
 श॒त्रून् । कृ॒णु॒हि । स॒र्ववी॒र इति॑ स॒र्व - वी॒रः । ए॒ति॑ । इ॒दम् । अ॒ग॒न्म॒ । दे॒व॒य॒ज॒न॒मि॒ति॑ दे॒व
 - य॒ज॒न॒म् । पृ॒थि॒व्याः । वि॒श्वे॑ । दे॒वाः । यत् । अ॒जु॒षन्त॑ । पू॒र्वे । ऋ॒क्स॒माभ्या॑मि॒त्यृ॒क्स॒म
 -भ्या॑म् । य॒जु॒षा । सं॒त॒र॒न्त॒ इति॑ सं - त॒र॒न्तः । रा॒यः । पो॒षेण॑ । स॒मि॒ति॑ । इ॒षा । म॒दे॒म ॥ 8

(आ त्व॒-ह॒योऽसि॑ म॒म॒ भो॒गाय॑ भ॒व॒-स्य॒-प॒ञ्च॒वि॒ंश॒तिश्च॑) (A3)

TS 1.2.4.1

इ॒यम् । ते । शु॒क्र॒ । त॒नूः । इ॒दम् । व॒चः॑ । त॒या॑ । स॒मि॒ति॑ । भ॒व॒ । भ्रा॒ज॑म् । ग॒च्छ॒ ।
 जूः । अ॒सि॒ । धृ॒ता । म॒न॒सा । जु॒ष्टा॑ । वि॒ष्णवे॑ । त॒स्याः॑ । ते । स॒त्य॒स॒व॒स इति॑ स॒त्य -
 स॒व॒सः । प्र॒स॒वे इति॑ प्र -स॒वे । वा॒चः । य॒न्त्र॒म् । अ॒शी॒य॒ । स्वाहा॑ । शु॒क्र॒म् । अ॒सि॒ ।
 अ॒मृ॒त॑म् । अ॒सि॒ । वै॒श्व॒दे॒वमि॒ति॑ वै॒श्व -दे॒वम् । ह॒विः । सूर्य॑स्य । च॒क्षुः॑ । ए॒ति॑ । अ॒रु॒ह॒म् ।
 अ॒ग्नेः॑ । अ॒क्ष॒णः । क॒नी॒निका॑म् । यत् । ए॒त॒शे॒भिः॑ । ई॒य॒से । भ्रा॒ज॑मानः । वि॒प॒श्चि॒ता॑ । चि॒त्
 । अ॒सि॒ । म॒ना । अ॒सि॒ । धीः॑ । अ॒सि॒ । दक्षि॑णा । 9

TS 1.2.4.2

अ॒सि॒ । य॒ज्ञि॒या॑ । अ॒सि॒ । क्ष॒त्रि॒या॑ । अ॒सि॒ । अ॒दि॒तिः॑ । अ॒सि॒ । उ॒भ॒य॒तः॑ शी॒र्ष्णी॒त्यु॒भ॒य॒तः॑
 - शी॒र्ष्णी॑ । सा । नः॑ । सु॒प्रा॒ची॒ति॑ सु -प्रा॒ची॑ । सु॒प्र॒ती॒ची॒ति॑ सु - प्र॒ती॒ची॑ । स॒मि॒ति॑ । भ॒व॒

। मि॒त्रः । त्वा॒ । प॒दि । ब॒द्धातु॑ । पू॒षा । अ॒द्धनः॑ । पा॒तु । इन्द्रा॑य । अ॒द्धय॑क्षायेत्यधि
- अ॒क्षा॒य । अ॒न्विति॑ । त्वा॒ । मा॒ता । म॒न्यता॑म् । अ॒न्विति॑ । पि॒ता । अ॒न्विति॑ । भ्रा॒ता ।
। सग॑र्भ्य इति स - ग॒र्भ्यः । अ॒न्विति॑ । सखा॑ । सयू॑थ्य इति स - यू॒थ्यः । सा । दे॒वि
। दे॒वम् । अ॒च्छे । इ॒हि । इन्द्रा॑य । सोम॑म् । रु॒द्रः । त्वा॒ । एति॑ । वर्त॑यतु । मि॒त्रस्य॑
। प॒था । स्व॒स्ति । सोम॑स॒खेति॑ सोम॑ - स॒खा () । पुनः॑ । एति॑ । इ॒हि । स॒ह । र॒य्या ॥ 10

(दक्षिणा-सोमसखा-पञ्च च) (A4)

TS 1.2.5.1

व॒स्वी । अ॒सि । रु॒द्रा । अ॒सि । अ॒दि॒तिः । अ॒सि । आ॒दि॒त्या । अ॒सि । शु॒क्रा । अ॒सि
। च॒न्द्रा । अ॒सि । बृ॒हस्प॑तिः । त्वा॒ । सु॒मे । र॒ण्वतु॑ । रु॒द्रः । वसु॑भिरिति वसु॑ - भिः ।
एति॑ । चि॒केतु॑ । पृ॒थि॒व्याः । त्वा॒ । मूर्द्ध॑न् । एति॑ । जि॒घर्षि॑ । दे॒वय॑जन् इति दे॒व - य॑जन्
। इडा॑याः । प॒दे । घृ॒तव॑तीति घृ॒त - व॑ति । स्वा॒हा । परि॑लिखितमिति परि॑ - लि॒खित॑म् ।
रक्षः॑ । परि॑लिखिता इति परि॑ - लि॒खिताः । अ॒रा॒तयः॑ । इ॒दम् । अ॒हम् । रक्ष॑सः । ग्री॒वाः
। अ॒पीति॑ । कृ॒न्ता॒मि । यः । अ॒स्मान् । द्वेष्टि॑ । यम् । च॒ । व॒यम् । द्वि॒ष्मः । इ॒दम् ।
अ॒स्य । ग्री॒वाः । 11

TS 1.2.5.2

अ॒पीति॑ । कृ॒न्ता॒मि । अ॒स्मे इति॑ । रा॒यः । त्वे॑ इति॑ । रा॒यः । तो॒ते । रा॒यः । स॒मिति॑ ।
दे॒वि । दे॒व्या । उ॒र्वश्या॑ । प॒श्यस्व॑ । त्वष्टी॑मती । ते । स॒पे॒य । सु॒रेता॑ इति सु॑ - रेताः ।
रेतः॑ । दधा॑ना । वी॒रम् । वि॒दे॒य । तव॑ । सं॒दृशी॑ति सं - दृशि॑ । मा॒ । अ॒हम् । रा॒यः ।
पोषे॑ण । वी॒ति । योष॑म् ॥ 12

(अ॒स्य ग्री॒वा-एका॒न्न त्रि॒श॒च॒) (A5)

TS 1.2.6.1

अ॒शुना॑ । ते । अ॒शुः । पृ॒च्यता॑म् । परु॑षा । परुः । गु॒न्धः । ते । काम॑म् । अ॒वतु॑ ।
 मदा॑य । रसः । अ॒च्युतः । अ॒मात्यः । अ॒सि । शु॒क्रः । ते । ग्र॒हः । अ॒भीति॑ । त्यम्
 । दे॒वम् । स॒वि॒तार॑म् । ऊ॒ण्योः । क॒विक्र॑तुमिति क॒वि - क्र॑तुम् । अ॒र्चामि॑ । स॒त्यस॑वस॒मिति॑
 स॒त्य - स॒वस॑म् । र॒त्नधा॑मिति र॒त्न - धा॑म् । अ॒भीति॑ । प्रि॒यम् । म॒तिम् । ऊ॒र्द्धा । य॒स्य ।
 अ॒मतिः॑ । भाः । अ॒दि॒द्युत॑त् । स॒र्वीम॑नि । हि॒र॒ण्यपा॑णिरिति हि॒र॒ण्य - पा॑णिः । अ॒मिमी॑त् ।
 सु॒क्रतु॑रिति सु - क्र॑तुः । कृ॒पा । सु॒वः ॥ प्र॒जाभ्य॑ इति प्र - जा॒भ्यः । त्वा । प्रा॒णाय॑ेति प्र -
 अ॒नाय॑ । त्वा । व्या॒नाय॑ेति वि - अ॒नाय॑ । त्वा । प्र॒जा इति॑ प्र - जाः । त्वम् । अनु॑ () ।
 प्रेति॑ । अ॒नि॒हि । प्र॒जा इति॑ प्र - जाः । त्वाम् । अनु॑ । प्रेति॑ । अ॒न॒न्तु ॥ 13

(अनु-सप्त च) (A6)

TS 1.2.7.1

सोम॑म् । ते । क्री॒णामि॑ । ऊ॒र्जस्व॑न्तम् । प॒यस्व॑न्तम् । वी॒र्या॑वन्तमिति वी॒र्य - व॑न्तम् ।
 अ॒भिमा॑तिषाह॒मित्य॑भिमाति - साह॑म् । शु॒क्रम् । ते । शु॒क्रेण॑ । क्री॒णामि॑ । च॒न्द्रम् । च॒न्द्रेण॑
 । अ॒मृत॑म् । अ॒मृते॑न । स॒म्यत् । ते । गोः । अ॒स्मे इति॑ । च॒न्द्राणि॑ । तप॑सः । त॒नूः
 । अ॒सि । प्र॒जाप॑तेरिति प्र॒जा - प॑तेः । वर्णः । तस्याः । ते । स॒हस्र॑पोषमिति स॒हस्र - पो॑षम्
 । पु॒ष्यन्त्याः । च॒रमे॑ण । प॒शुना॑ । क्री॒णामि॑ । अ॒स्मे इति॑ । ते । ब॒न्धुः । म॒यि ।
 ते । रा॒यः । श्र॒यन्ता॑म् । अ॒स्मे इति॑ । ज्योतिः । सोम॑विक्रयिणीति सोम - वि॒क्रयि॑णि ।
 तमः । मि॒त्रः । नः । एति॑ । इ॒हि । सुमि॑त्रधा इति सुमि॑त्र - धाः । इन्द्र॑स्य । ऊ॒रुम्
 () । एति॑ । वि॒श । दक्षि॑णम् । उ॒शन् । उ॒शन्त॑म् । स्यो॒नः । स्यो॒नम् । स्वा॑नं
 । भ्राज॑ । अ॒ङ्घ्रिरे॑ । ब॒भारे॑ । ह॒स्तं । सु॒हस्ते॑ति सु - ह॒स्त । कृ॒शान॑विति कृ॒श - अ॒नो ।
 ए॒ते । वः । सोम॑क्रय॒णा इति॑ सोम - क्रय॒णाः । तान् । र॒क्ष॒द्धम् । मा । वः । दु॒भन् ॥ 14

(उरु-द्वाविंशतिश्च) (A7)

TS 1.2.8.1

उदिति॑ । आयु॑षा । स्वायु॑षेति॑ सु - आयु॑षा । उदिति॑ । ओष॑धीनाम् । रसे॑न । उदिति॑ । पु॒र्जन्य॑स्य । शु॒ष्मेण॑ । उदिति॑ । अ॒स्थाम् । अ॒मृतान् । अनु॑ ॥ उ॒रु । अ॒न्तरि॑क्षम् । अ॒न्विति॑ । इ॒हि । अ॒दित्याः । स॒दः । अ॒सि । अ॒दित्याः । स॒दः । एति॑ । सी॒दु । अस्त॑न्नात् । द्याम् । ऋ॒षभः । अ॒न्तरि॑क्षम् । अ॒भिमी॑त । व॒रि॒माण॑म् । पृ॒थिव्याः । एति॑ । अ॒सीदु॑त् । वि॒श्वा । भुव॑नानि । सु॒राडिति॑ सं - राट् । वि॒श्वा । इत् । तानि॑ । वरु॑णस्य । व्र॒तानि॑ । वने॑षु । वी॒ति । अ॒न्तरि॑क्षम् । त॒तान् । वाज॑म् । अ॒र्व॒थि॒स्वित्य॑र्वत् - सु । पयः॑ । अ॒घ्निया॑सु । ह॒थि॒स्विति॑ हत् - सु । 15

TS 1.2.8.2

ऋ॒तुम् । वरु॑णः । वि॒क्षु । अ॒ग्निम् । दि॒वि । सूर्य॑म् । अ॒दुधा॑त् । सोम॑म् । अ॒द्रौ । उदिति॑ । उ । त्यम् । जा॒तवे॑दसमिति॑ जा॒त - वे॑दसम् । दे॒वम् । व॒हन्ति॑ । के॒तवः॑ ॥ दृ॒शे । वि॒श्वाय॑ । सूर्य॑म् ॥ उ॒स्रौ । एति॑ । इ॒तम् । धू॒र॒षाहा॑विति॑ धूः - सा॒हौ । अ॒नु॒श्रू इति॑ । अ॒वी॒र॒हणा॑वित्य॒वीर॑ - ह॒नौ । ब्र॒ह्म॒चोद॑नाविति॑ ब्रह्म - चोद॑नौ । वरु॑णस्य । स्कं॑भनम् । अ॒सि । वरु॑णस्य । स्कं॑भ॒सर्ज॑नमिति॑ स्कं॑भ -सर्ज॑नम् । अ॒सि । प्र॒त्य॑स्तु इति॑ प्र॒ति - अ॒स्तुः । वरु॑णस्य । पा॒शः ॥ 16

(ह॒थ्सु-पञ्च॑त्रिंशच्च) (A8)

TS 1.2.9.1

प्रेति॑ । च्य॒व॒स्व । भुवः॑ । पु॒त्रे । वि॒श्वानि॑ । अ॒भीति॑ । धा॒मानि॑ । मा । त्वा । पु॒रि॒प॒रीति॑

परि - पुरी । विदुत् । मा । त्वा । परिपन्थिन् इति परि - पन्थिनः । विदुन् । मा ।
 त्वा । वृकाः । अघायव इत्यघ - यवः । मा । गन्धर्वः । विश्वावसुरिति विश्व - वसुः ।
 एति । दुघत् । श्येनः । भूत्वा । परेति । पुत् । यजमानस्य । नः । गृहे । देवैः ।
 सःस्कृतम् । यजमानस्य । स्वस्त्ययनीति स्वस्ति - अयनी । अस्ति । अपीति । पन्थाम्
 । अगस्महि । स्वस्तिगामिति स्वस्ति - गाम् । अनेहसम् । येन । विश्वाः । परीति ।
 द्विषः । वृणक्ति । विन्दते । वसु । नमः । मित्रस्य () । वरुणस्य । चक्षसे । महः ।
 देवाय । तत् । ऋतम् । सपर्यत् । दूरेदृश इति दूरे - दृशे । देवजातायेति देव - जाताय ।
 केतवे । दिवः । पुत्राय । सूर्याय । शःसत् । वरुणस्य । स्कंभनम् । अस्ति । वरुणस्य ।
 स्कंभसर्जनमिति स्कंभ - सर्जनम् । अस्ति । उन्मुक्त इत्युत् - मुक्तः । वरुणस्य । पाशः ॥ 17

(मित्रस्य-त्रयोविंशतिश्च) (A9)

TS 1.2.10.1

अग्नेः । आतिथ्यम् । अस्ति । विष्णवे । त्वा । सोमस्य । आतिथ्यम् । अस्ति । विष्णवे ।
 त्वा । अतिथेः । आतिथ्यम् । अस्ति । विष्णवे । त्वा । अग्नये । त्वा । रायस्पोषदावन्न
 इति रायस्पोष - दावन्ने । विष्णवे । त्वा । श्येनाय । त्वा । सोमभृत इति सोम - भृते ।
 विष्णवे । त्वा । या । ते । धामानि । हविषा । यजन्ति । ता । ते । विश्वा । परिभूरिति
 परि - भूः । अस्तु । यज्ञम् । गयस्फान् इति गय - स्फानः । प्रतरण इति प्र - तरणः ।
 सुवीर इति सु - वीरः । अवीरहेत्यवीर - हा । प्रेति । चर । सोम । दुर्यान् । अदित्याः ।
 सदः । अस्ति । अदित्याः । सदः । एति । 18

TS 1.2.10.2

सीदु । वरुणः । अस्ति । धृतव्रत इति धृत - व्रतः । वारुणम् । अस्ति । शंयोरिति शं -
 योः । देवानाम् । सुख्यात् । मा । देवानाम् । अपसः । छिथ्स्महि । आपतय इत्या -

प॒तये । त्वा । गृ॒ह्णामि । परि॑पतय इति परि॑ - प॒तये । त्वा । गृ॒ह्णामि । तनून॑प्त्र इति तनू॑
 - न॒प्त्रे । त्वा । गृ॒ह्णामि । शा॒क्राय॑ । त्वा । गृ॒ह्णामि । श॒क्मन्त्र॑ । ओजि॑ष्ठाय । त्वा ।
 गृ॒ह्णामि । अना॑धृष्टमित्यना॑ - धृष्ट॑म् । अ॒सि । अ॒नाधृ॑ष्यमित्यना॑ - धृष्य॑म् । दे॒वाना॑म् । ओजः॑
 । अ॒भि॒श॒स्ति॒पा इत्य॑भि॒श॒स्ति - पाः । अ॒न॒भि॒श॒स्ते॒न्यमि॒त्यन॑भि - श॒स्ते॒न्यम् । अ॒न्वि॒ति । मे॑
 । दी॒क्षाम् । दी॒क्षाप॑तिरिति दी॒क्षा - प॒तिः । म॒न्य॒ताम् । अ॒न्वि॒ति । तपः॑ । तप॑स्पतिरिति तपः॑
 - प॒तिः । अ॒ञ्जसा॑ । स॒त्यम् । उ॒पेति॑ । गे॒षम् । सु॒वि॒ते । मा () । धाः ॥ 19

(आ-मै-कं च) (A10)

TS 1.2.11.1

अ॒शुर॑श्शुरित्य॒शुः - अ॒शुः । ते । दे॒व । सो॒म । एति॑ । प्या॒य॒ताम् । इन्द्रा॑य । ए॒क॒ध॒न॒वि॒दु
 इत्ये॑क॒ध॒न - वि॒दे । एति॑ । तु॒भ्यम् । इन्द्रः॑ । प्या॒य॒ताम् । एति॑ । त्वम् । इन्द्रा॑य । प्या॒य॒स्व
 । एति॑ । प्या॒य॒य । स॒खी॒न् । स॒न्या । मे॒धया॑ । स्व॒स्ति । ते । दे॒व । सो॒म । सु॒त्याम्
 । अ॒शी॒य । ए॒ष्टः । रा॒यः । प्रेति॑ । इ॒षे । भ॒गाय॑ । ऋ॒तम् । ऋ॒त॒वा॒दि॒भ्य इत्यृ॑त॒वा॒दि
 - भ्यः । नमः॑ । दि॒वे । नमः॑ । पृ॒थि॒व्यै । अ॒ग्ने । व्र॒त॒प॒त इति॑ व्रत - प॒ते । त्वम् ।
 व्र॒ता॒ना॑म् । व्र॒त॒प॑तिरिति व्रत - प॒तिः । अ॒सि । या । म॒म । त॒नूः । ए॒षा । सा । त्वयि॑ । 20

TS 1.2.11.2

या । तव॑ । त॒नूः । इ॒यम् । सा । मयि॑ । स॒ह । नौ । व्र॒त॒प॒त इति॑ व्रत - प॒ते । व्र॒ति॒नोः ।
 व्र॒ता॒नि । या । ते । अ॒ग्ने । रु॒द्रि॒या । त॒नूः । तया॑ । नः । पा॒हि । तस्याः॑ । ते । स्वाहा॑
 । या । ते । अ॒ग्ने । अ॒या॒श॒येत्य॑या - श॒या । र॒जा॒श॒येति॑ रजा - श॒या । ह॒रा॒श॒येति॑ हरा -
 श॒या । त॒नूः । व॒र्षि॒ष्ठा । ग॒ह्वरे॑ष्ठेति॑ ग॒ह्वरे - स्था । उ॒ग्रम् । वचः॑ । अ॒पेति॑ । अ॒व॒धी॒म् ।
 त्वे॒षम् । वचः॑ । अ॒पेति॑ । अ॒व॒धी॒म् । स्वाहा॑ ॥ 21

(त्वयि-चत्वारिंशच्च) (A11)

TS 1.2.12.1

वित्तायनीति वित्त - अयनी । मे । असि । तित्तायनीति तित्त - अयनी । मे । असि । अवतात् । मा । नाथितम् । अवतात् । मा । व्यथितम् । विदेः । अग्निः । नभः । नाम । अग्रे । अङ्गिरः । यः । अस्याम् । पृथिव्याम् । असि । आयुषा । नाम्ना । एति । इहि । यत् । ते । अनाधृष्टमित्यना - धृष्टम् । नाम । यज्ञियम् । तेन । त्वा । एति । दुधे । अग्रे । अङ्गिरः । यः । द्वितीयस्याम् । तृतीयस्याम् । पृथिव्याम् । असि । आयुषा । नाम्ना । एति । इहि । यत् । ते । अनाधृष्टमित्यना - धृष्टम् । नाम । 22

TS 1.2.12.2

यज्ञियम् । तेन । त्वा । एति । दुधे । सिंहीः । असि । महिषीः । असि । उरु । प्रथस्व । उरु । ते । यज्ञपतिरिति यज्ञ - पतिः । प्रथताम् । ध्रुवा । असि । देवेभ्यः । शुन्धस्व । देवेभ्यः । शुभस्व । इन्द्रघोष इतीन्द्र - घोषः । त्वा । वसुभिरिति वसु - भिः । पुरस्तात् । पातु । मनोजवा इति मनः - जवाः । त्वा । पितृभिरिति पितृ - भिः । दक्षिणतः । पातु । प्रचेता इति प्र - चेताः । त्वा । रुद्रैः । पश्चात् । पातु । विश्वकर्मेति विश्व - कर्मा । त्वा । आदित्यैः । उत्तरत इत्युत् - तरतः । पातु । सिंहीः । असि । सपत्नसाहीति सपत्न - साही । स्वाहा । सिंहीः । असि । सुप्रजावनिरिति सुप्रजा - वनिः । स्वाहा । सिंहीः । 23

TS 1.2.12.3

असि । रायस्पोषवनिरिति रायस्पोष - वनिः । स्वाहा । सिंहीः । असि । आदित्यवनिरित्यादित्य - वनिः । स्वाहा । सिंहीः । असि । एति । वह् । देवान् । देवयत इति देव - यते । यजमानाय । स्वाहा । भूतेभ्यः । त्वा । विश्वायुरिति विश्व - आयुः । असि । पृथिवीम् । दृह । ध्रुवक्षिदिति ध्रुव - क्षित् । असि । अन्तरिक्षम् । दृह । अच्युतक्षिदित्यच्युत - क्षित्

। अ॒सि॒ । दि॒वम् । दृ॒ह् । अ॒ग्नेः । भ॒स्म । अ॒सि॒ । अ॒ग्नेः । पु॒रीष॑म् । अ॒सि॒ ॥ 24

(नाम॑-सुप्रजा॒वनिः॒ स्वाहा॑ सि॒ंह॒007आ॑;:-पञ्चत्रिंशच्च) (A12)

TS 1.2.13.1

यु॒ञ्जते॑ । मनः॑ । उ॒त । यु॒ञ्जते॑ । धि॒यः । वि॒प्राः । वि॒प्रस्य॑ । बृ॒ह॒तः । वि॒प॒श्चितः॑ ॥ वी॒ति॑
। हो॒त्राः । दु॒धे । व॒युना॑वि॒दिति॑ व॒युन॑ - वि॒त् । एकः॑ । इ॒त् । म॒ही । दे॒वस्य॑ । स॒वितुः॑ ।
परि॑ष्टुतिरिति॑ परि॑ - स्तु॒तिः ॥ सु॒वा॒गिति॑ सु॒- वाक् । दे॒व । दु॒र्या॒न् । ए॒ति॑ । व॒दु । दे॒वश्रु॑ता॒विति॑
दे॒व - श्रु॑तौ । दे॒वेषु॑ । ए॒ति॑ । घो॒षे॒थाम् । ए॒ति॑ । नः॑ । वी॒रः । जा॒य॒ताम् । क॒र्म॒ण्यः । यम्
। स॒र्वे । अ॒नुजी॑वा॒मेत्य॑नु - जी॒वा॒म । यः । ब॒हूना॑म् । अ॒स॒त् । व॒शी ॥ इ॒दम् । वि॒ष्णुः ।
वी॒ति॑ । च॒क्र॒मे । त्रे॒धा । नी॒ति॑ । दु॒धे । प॒दम् ॥ स॒मूढ॑मिति॑ स॒म - ऊ॒ढम् । अ॒स्य॑ । 25

TS 1.2.13.2

पा॒सु॒रे । इ॒रा॒वती॑ इ॒तीरा॑ - व॒ती । धे॒नु॒मती॑ इति॑ धे॒नु - म॒ती । हि॑ । भू॒तम् । सू॒य॒व॒सिनी॑ इति॑ सु॒-
- य॒व॒सिनी॑ । मन॑वे । य॒श॒स्ये॑ इति॑ ॥ वी॒ति॑ । अ॒स्क॒भ्रात् । रो॒द॒सी॑ इति॑ । वि॒ष्णुः । ए॒ते इति॑ ।
दा॒धारं । पृ॒थि॒वीम् । अ॒भितः॑ । म॒यू॒खैः ॥ प्रा॒ची॒ इति॑ । प्रे॒ति॑ । इ॒तम् । अ॒द्ध॒रम् । क॒ल्प॒य॒न्ती॑
इति॑ । ऊ॒र्द्धम् । य॒ज्ञम् । न॒य॒तम् । मा॑ । जी॒हृ॒र॒तम् । अ॒त्रं । र॒मे॒थाम् । व॒र॒ष्म॒न् । पृ॒थि॒व्याः
। दि॒वः । वा॒ । वि॒ष्णो॒ । उ॒त । वा॒ । पृ॒थि॒व्याः । म॒हः । वा॒ । वि॒ष्णो॒ । उ॒त । वा॒ ।
अ॒न्तरि॑क्षात् । ह॒स्तौ । पृ॒ण॒स्व । ब॒हु॒भिरिति॑ ब॒हु - भिः॑ । व॒स॒व्यैः॑ । आ* । प्रे॒ति॑ । य॒च्छ । 26

TS 1.2.13.3

दक्षि॑णात् । ए॒ति॑ । उ॒त । स॒व्यात् ॥ वि॒ष्णोः॑ । नु॒कम् । वी॒र्या॑णि । प्रे॒ति॑ । वो॒चम् । यः ।
पा॒रि॒वा॒नि । वि॒म॒ इति॑ वि॒ - म॒मे । र॒जा॒सि॑ । यः । अ॒स्क॒भा॒य॒त् । उ॒त्तर॑मित्यु॒त् - त॒रम् ।
स॒ध॒स्थ॒मिति॑ स॒ध - स्थ॒म् । वि॒च॒क्र॒मा॒ण इति॑ वि॒ - च॒क्र॒मा॒णः । त्रे॒धा । उ॒रु॒गा॒य इत्यु॑रु - गा॒यः

। विष्णोः । रुराटम् । असि । विष्णोः । पृष्ठम् । असि । विष्णोः । शप्त्रे इति । स्थः ।
विष्णोः । स्यूः । असि । विष्णोः । ध्रुवम् । असि । वैष्णवम् । असि । विष्णवे । त्वा ॥ 27

(अस्य-यच्छैकान्न चत्वारिंशच्च) (A13)

TS 1.2.14.1

कृणुष्व । पाजः । प्रसितिमिति प्र - सितिम् । न । पृथ्वीम् । याहि । राजा । इव ।
अमवानित्यम - वान् । इमेन ॥ तृष्णीम् । अन्विति । प्रसितिमिति प्र - सितिम् । द्रूणानः
। अस्ता । असि । विद्वय । रक्षसः । तपिष्ठैः ॥ तव । भ्रमासः । आशुया । पतन्ति ।
अन्विति । स्पृश । धृषता । शोशुचानः ॥ तपूषि । अग्ने । जुह्वा । पतज्जान् । असन्दित
इत्यसं - दितः । वीति । सृज । विष्वक् । उल्काः ॥ प्रतीति । स्पशः । वीति । सृज ।
तूर्णितम् इति तूर्णि - तम् । भव । पायुः । विशः । अस्याः । अदब्दः ॥ यः । नः ।
दूरे । अघशस् इत्यघ - शस्सः । 28

TS 1.2.14.2

यः । अन्ति । अग्ने । मार्किः । ते । व्यथिः । एति । दुधरूषीत् ॥ उदिति । अग्ने । तिष्ठ
। प्रईति । एति । तनुष्व । नीति । अमित्रान् । ओषतात् । तिग्महेत इति तिग्म - हेते ॥
यः । नः । अरातिम् । समिधानेति सम् - इधान् । चक्रे । नीचा । तम् । धक्षि । अतसम्
। न । शुष्कम् ॥ ऊर्द्धः । भव । प्रतीति । विद्वय । अधीति । अस्मत् । आविः । कृणुष्व
। दैव्यानी । अग्ने ॥ अवेति । स्थिरा । तनुहि । यातुजूनाम् । जामिम् । अजामिम् । प्रेति
। मृणीहि । शत्रून् ॥ सः । ते । 29

TS 1.2.14.3

जानाति । सुमितिमिति सु - मितिम् । यविष्ठ । यः । ईवते । ब्रह्मणे । गातुम् । ऐरेत् ॥

विश्वानि । अ॒स्मै । सु॒दिना॒नीतिं॑ सु - दिना॑नि । रा॒यः । द्यु॒म्नानि॑ । अ॒र्यः । वी॒तिं । दु॒रः ।
अ॒भीतिं॑ । द्यौ॒त् ॥ सः । इत् । अ॒ग्ने । अ॒स्तु । सु॒भग॒ इति॑ सु - भगः॑ । सु॒दानु॒रितिं॑ सु -
दानुः॑ । यः । त्वा । नित्ये॑न । ह॒विषा॑ । यः । उ॒क्थैः ॥ पि॒प्री॑षति । स्वे । आ॒युषि॑ ।
दु॒रोण॑ इति॑ दुः - ओ॒ने । विश्वा॑ । इत् । अ॒स्मै । सु॒दिने॑ति सु- दिना॑ । सा । अ॒सत् । इ॒ष्टिः
॥ अ॒र्चामि॑ । ते । सु॒म॒तिमि॑ति सु - म॒तिम् । घो॒षि । अ॒र्वाक् । स॒मिति॑ । ते । वा॒वाता॑ ।
ज॒रता॑ । 30

TS 1.2.14.4

इ॒यम् । गीः ॥ स्व॒श्वा इति॑ सु - अ॒श्वाः । त्वा । सु॒रथा॒ इति॑ सु - रथाः॑ । म॒र्जये॑म् । अ॒स्मे
इति॑ । क्ष॒त्राणि॑ । धा॒रये॑ । अ॒न्विति॑ । द्यून् ॥ इ॒ह । त्वा । भूरि॑ । ए॒ति । च॒रेत् । उ॒पेति॑
। त्मन् ॥ दोषा॑वस्त॒रिति॑ दोषा॑ - व॒स्तुः । दी॒दिवा॑ऽस॒म् । अ॒न्विति॑ । द्यून् ॥ क्री॒डन्तः॑ ।
त्वा । सु॒मन॑स॒ इति॑ सु - मन॑सः । स॒पेम् । अ॒भीति॑ । द्यु॒म्ना । त॒स्थिवा॑ऽसः । ज॒नाना॑म् ॥
यः । त्वा । स्व॒श्वा इति॑ सु - अ॒श्वः । सु॒हि॒र॒ण्य इति॑ सु - हि॒र॒ण्यः । अ॒ग्ने । उ॒प॒याती॑त्यु॒प -
या॒ति । वसु॑म॒तेति॑ वसु॑ - म॒ता । रथे॑न ॥ तस्य॑ । त्रा॒ता । भ॒व॒सि । तस्य॑ । स॒खा । यः ।
ते । आ॒ति॒थ्यम् । आ॒नु॒षक् । जु॒जोष॑त् ॥ म॒हः । रु॒जामि॑ । 31

TS 1.2.14.5

ब॒न्धुता॑ । व॒चो॑भि॒रिति॑ वचः॑ - भिः । तत् । मा । पि॒तुः । गो॒त॒मात् । अ॒न्विति॑ । इ॒याय॑
॥ त्वम् । नः । अ॒स्य । वच॑सः । चि॒कि॒द्धि । हो॒तः । य॒विष्ट॑ । सु॒क्र॒तो इति॑ सु - क्र॒तो
। द॒मूनाः॑ ॥ अ॒स्व॒म॒ज॒ इत्य॑स्व॒म - जः । त॒रण॑यः । सु॒शेवा॒ इति॑ सु-शेवाः॑ । अ॒त॒न्द्रा॒सः ।
अ॒वृ॒काः । अ॒श्र॒मि॒ष्ठाः ॥ ते । पा॒यवः॑ । स॒द्भिय॑ञ्चः । नि॒षद्ये॑ति नि - सद्य॑ । अ॒ग्ने । तव॑ ।
नः । पा॒न्तु । अ॒मूर॑ ॥ ये । पा॒यवः॑ । मा॒म॒ते॒यम् । ते । अ॒ग्ने । प॒श्य॑न्तः । अ॒न्धम् ।
दु॒रि॒तादि॑ति॑ दुः - इ॒तात् । अ॒र॒क्षन् ॥ रु॒क्षं । तान् । सु॒कृ॒त इति॑ सु - कृ॒तः । वि॒श्ववे॑दा इति॑
वि॒श्व - वे॑दाः । दि॒प्स॑न्तः । इत् । रि॒पवः॑ । न । ह । 32

TS 1.2.14.6

दे॒भुः ॥ त्वयाँ । व॒यम् । स॒ध॒न्यं॑ इति॑ सध - न्यः । त्वो॒ताः॑ । तव॑ । प्र॒णी॒तीति॑ प्र - नी॒ती ।
अ॒श्याम् । वा॒जान् । उ॒भा । श॒श॑ । सू॒द॒य । स॒त्य॒ता॒त॒ इति॑ सत्य - ता॒ते । अ॒नु॒ष्टु॒या ।
कृ॒णु॒हि । अ॒ह॒या॒ण॒ ॥ अ॒या । ते । अ॒ग्ने । स॒मि॒धेति॑ सं - इधाँ । वि॒धेम॑ । प्र॒तीति॑ । स्तोम॑म्
। श॒स्य॑मा॒नम् । गृ॒भा॒य॒ ॥ द॒ह॑ । अ॒श॒सः॑ । र॒क्ष॒सः॑ । पा॒हि । अ॒स्मान् । द्रु॒हः । नि॒दः
। मि॒त्र॒म॒ह॒ इति॑ मि॒त्र - म॒हः । अ॒व॒द्यात् ॥ र॒क्षो॒ह॒ण॒मि॒ति॑ रक्षः - ह॒न॑म् । वा॒जि॒न॑म् । ए॒ति॑ ।
जि॒घृ॒र्मि॑ । मि॒त्रम् । प्र॒थि॑ष्ठम् । उ॒पेति॑ । या॒मि॑ । श॒र्म ॥ शि॒शा॒नः । अ॒ग्निः । ऋ॒तु॒भि॒रिति॑
ऋ॒तु - भिः॑ । स॒मि॒द्ध॒ इति॑ सं - इ॒द्धः । सः । नः । दि॒वाँ । 33

TS 1.2.14.7

सः । रि॒षः । पा॒तु । न॒क्त॑म् ॥ वी॒ति॑ । ज्योति॑षा । बृ॒ह॒ता । भा॒ति॑ । अ॒ग्निः । आ॒विः ।
वि॒श्वानि॑ । कृ॒णु॒ते॒ । म॒हि॒त्वेति॑ म॒हि - त्वा ॥ प्रे॒ति॑ । अ॒दे॒वीः । मा॒याः । स॒ह॒ते॒ । दु॒रे॒वा॒ इति॑ दुः
- ए॒वाः॑ । शि॒शी॒ते॒ । शृ॒ङ्गे॒ इति॑ । रक्ष॑से । वि॒नि॒क्ष॒ इति॑ वि - नि॒क्षे ॥ उ॒त । स्वा॒ना॒सः॑ । दि॒वि
। स॒न्तु॒ । अ॒ग्नेः॑ । ति॒ग्मा॒यु॒धा॒ इति॑ ति॒ग्म - आ॒यु॒धाः॑ । रक्ष॑से । ह॒न्त॒वै । उ॒ ॥ म॒दे॑ । चि॒त् ।
अ॒स्य॒ । प्रे॒ति॑ । रु॒ज॒न्ति॑ । भा॒माः॑ । न । व॒र॒न्ते॒ । प॒रि॒बा॒ध॒ इति॑ परि - बा॒धः॑ । अ॒दे॒वीः ॥ 34

(अ॒घ॒श॒सः॑-स ते॑-ज॒र॒ता॒-रु॒जामि॑-ह॒-दि॒वै - के॒च॒त्वा॒रि॒श॒च्च) (A14)

praSna korvai with starting padams of 1 to 14 anuvAkams :-

(आप॑ उ॒न्द॒न्त्वा-कू॒त्यै-दै॒वी-मि॒यन्ते॑-व॒स्व्य॑स्य-॒शु॒ना॒ते॒-सोम॑न्त॒-उ॒दा॒यु॒षा॒ प्र च्य॑व॒स्वा- ग्रे॒रा॒ति॒थ्य -
म॒शु॒र॒शु॒र-वि॒त्ता॒य॒नी॒ मेऽसि॑ -यु॒ञ्च॒ते॑-कृ॒णु॒ष्व पा॒ज-श्च॒तु॒र्द॒श ।)

korvai with starting padams of 1, 11, 21 series of pa jCAtis :-

1.2 प्रथमकाण्डे द्वितीयः प्रश्नः - (अग्निष्टोमे ऋयः) <https://www.vedavms.in> 15

(आपो-वस्व्यसि या तवे-यङ्गी-श्चतुस्त्रिंशत् ।)

first and last padam of second praSnam :-

(आपं उन्दुन्-त्वदेवीः ।)

॥ हरिः ॐ ॥ ॥ कृष्ण यजुर्वेदीय तैत्तिरीय संहितायां प्रथमकाण्डे द्वितीयः प्रश्नः समाप्तः ॥